

2.	Totalna cementna proteza kuka	1.638,00
3.	Revizionni bescementni modularni sistem kuka	5.814,90
4.	Totalna bescementna revizionna proteza kuka	5.265,00
5.	Revizionna cementna proteza kuka	4.106,70
6.	Rekonstruktivni acetabularni ring cage	2.135,25
Totalna proteza koljena		
7.	Totalna cementna proteza koljena	4.504,50
8.	Unikondilarna cementna proteza koljena	3.334,50
9.	Revizionna cementna proteza koljena	8.131,50

Član 2

Komisija doktora za provođenje postupka ostvarivanja zdravstvene zaštite van zdravstvenih ustanova Brčko distrikta BiH, na osnovu prethodno dobijenog mišljenja od strane specijalista, u Odluci koju donosi, utvrđuje vrstu ugradnog materijala i navodi cijenu koju plaća Fond, u skladu sa ovom odlukom.

Član 3

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-52/10
Brčko, 14. 7. 2010. godine

**V.D. PREDSJEDNIKA
UPRAVNOG ODBORA**
Dr. Anto Basić, s.r.

599

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačkica b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), u skladu sa finansijskim planom Fonda zdravstvenog osiguranja Brčko distrikta BiH, broj: 015-180/7-90/09 od 28. 12. 2009. godine, na 49. redovnoj sjednici, donosi

ODLUKU

**O FINANSIRANJU TROŠKOVA UGRADNOG MATERIJALA U 2010.
GODINI**

Član 1

Fond zdravstvenog osiguranja Brčko distrikta BiH (u daljnjem tekstu: Fond) finansira troškove ugradnog materijala kod operacija kuka i koljena, osiguranim licima Fonda u 2010. godini, u iznosu do:

NAZIV ORTOPEDSKOG IMPLANTATA	IZNOS U KM
Totalna bescementna proteza kuka "PRESS FIT" Porous coated (za osiguranike starije od 60 godina)	2.579,85 KM
Totalna proteza kuka - Recurfacing (za osiguranike do 60 godina)	5.814,90 KM
Totalna bescementna revizionna proteza kuka	5.265,00 KM
Totalna proteza koljena "STRYKER"	3.553,00 KM
Ako se kod totalne proteze koljena ugrađuje i stem za patelu	4.068,00 KM
Intramedularna fiksacija "PFNA"	2.283,86 KM

Član 2

Komisija doktora za provođenje postupka ostvarivanja zdravstvene zaštite van zdravstvenih ustanova Brčko distrikta BiH, na osnovu prethodno dobijenog mišljenja od strane specijalista, u odluci koju donosi, utvrđuje vrstu ugradnog materijala i navodi cijenu koju plaća Fond, u skladu sa ovom odlukom.

Član 3

Stupanjem na snagu ove odluke, van snage stavlja se Odluka o finansiranju troškova ugradnog materijala u 2010. godini, broj: 015-180/7-52/10 od 17. 7. 2010. godine.

Član 4

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-72/10
Brčko, 30. 9. 2010. godine

**V.D. PREDSJEDNIKA
UPRAVNOG ODBORA**
Dr. Anto Basić, s.r.

600

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačkica b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), u skladu sa finansijskim planom Fonda zdravstvenog osiguranja Brčko distrikta BiH, broj: 015-180/7-90/09 od 29. 12. 2009. godine, na 49. redovnoj sjednici, donosi

ODLUKU

**O NAČINU UPUĆIVANJA I FINANSIRANJU DIJAGNOSTIČKE
PROCEDURE PET CT ZA OSIGURANA LICA FONDA ZDRAVSTVENOG
OSIGURANJA BRČKO DISTRIKTA BiH**

Član 1

Fond zdravstvenog osiguranja Brčko distrikta BiH (u daljnjem tekstu: Fond) finansira troškove dijagnostičke procedure PET CT u visini do **1.127,00 EJURA** (protuvrijednost u konvertibilnim markama), po kursu Centralne banke BiH za osigurana lica Fonda upućena van zdravstvenih ustanova Brčko distrikta BiH u skladu sa Pravilnikom o ostvarivanju zdravstvene zaštite van zdravstvenih ustanova Brčko distrikta BiH (Službeni

glasnik Brčko distrikta BiH, broj: 8/03), najviše dva puta godišnje.

Član 2

Osigurano lice se upućuje na dijagnostičku proceduru PET/CT na osnovu nalaza onkološkog konzilija i na osnovu medicinskih indikacija:

- 1) kod ranije operiranog malignoma kod kojeg je povećan ukupni CEA tumor marker, metastaza se ne može dokazati raspoloživom dijagnostičkom procedurom (UZV, CT, RTG, MR) a ista procedura će promijeniti tok liječenja i
- 2) kod metastaznih tumora osoba starosti do 60 godina, kod kojih se primarni tumor ne može verifikovati raspoloživim dijagnostičkim procedurama (UZV, CT, RTG, MR) a ista procedura će promijeniti tok liječenja.

Član 3

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-74/10
Brčko, 30. 9. 2010. godine

**V.D. PREDSJEDNIKA
UPRAVNOG ODBORA**
Dr. Anto Basić, s.r.

601

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačaka a) i b) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), Instrukcije direktora o izradi Odluke o realizaciji projekta finansiranja vantjelesne oplodnje, broj: 015-180/8-37/09 od 1. 6. 2009. godine, člana 2 Odluke Upravnog odbora, broj: 015-180/7-96/09 od 12. 10. 2009. godine, Upravni odbor Fonda zdravstvenog osiguranja Brčko distrikta BiH, na 49. redovnoj sjednici održanoj 30. 9. 2010. godine, donosi

ODLUKU

O IZMJENI ODLUKE O REALIZACIJI PROJEKTA FINANSIRANJA
ASISTIRANE REPRODUKCIJE
BROJ: 015-180/7-113/09 OD 18. 11. 2009. GODINE

Član 1

Mijenja se Odluka o realizaciji projekta finansiranja asistiranu reprodukciju, broj: 015-180/7-113/09 od 18. 11. 2009. godine, tako što se u članu 4 stav 3 mijenja i glasi:

„(3) Medicinske kriterije odlukom utvrđuje direktor Fonda, za svaku kalendarsku godinu, na osnovu stručnog mišljenja komisije iz člana 5 stava 2 ove odluke.

I član 10 mijenja se i glasi:

„Javni poziv za učesće u projektu iz ove odluke i formiranje komisije iz člana 5 stava 2 ove odluke provodi direktor Fonda, jednom godišnje, u skladu sa Finansijskim planom Fonda.“

Član 2

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-113/09-1
Brčko, 30. 9. 2010. godine

**V.D. PREDSJEDNIKA
UPRAVNOG ODBORA**
Dr. Anto Basić, s.r.

602

Ustavni sud Bosne i Hercegovine u Vijeću od pet sudija u predmetu broj **AP 1839/07**, rješavajući apelaciju **Nade Hrisafović**, na osnovu člana VI/3.b) Ustava Bosne i Hercegovine, člana 59. stav 2. alineja 2. i člana 61. st. 1. i 3. Pravila Ustavnog suda Bosne i Hercegovine («Službeni glasnik Bosne i Hercegovine» br. 60/05, 64/08 i 51/09), u sastavu:

Miodrag Simović, predsjednik
Valerija Galić, potpredsjednica

Seada Palavrić, potpredsjednica
Mato Tadić, sudija
Krstan Simić, sudija

na sjednici održanoj 17. decembra 2009. godine donio je

ODLUKU O DOPUSTIVOSTI I MERITUMU

Odbija se kao neosnovana apelacija **Nade Hrisafović** podnesena protiv Rješenja Kantonalnog suda broj Gž-1248/05 od 16. februara 2007. godine i Rješenja Općinskog suda broj RS-42/99 od 4. januara 2005. godine.

Odluku objaviti u «Službenom glasniku Bosne i Hercegovine», «Službenim novinama Federacije Bosne i Hercegovine», «Službenom glasniku Republike Srpske» i u «Službenom glasniku Distrikta Brčko Bosne i Hercegovine».

OBRAZLOŽENJE

I. Uvod

1. Nada Hrisafović (u daljnjem tekstu: apelantica), koju zastupa Mirza Hadžić, advokat iz Sarajeva, podnijela je 21. juna 2007. godine apelaciju Ustavnom sudu Bosne i Hercegovine (u daljnjem tekstu: Ustavni sud) protiv Rješenja Kantonalnog suda u Sarajevu (u daljnjem tekstu: Kantonalni sud) broj Gž-1248/05 od 16. februara 2007. godine i Rješenja Općinskog suda u Sarajevu broj RS-42/99 od 4. januara 2005. godine.

II. Postupak pred Ustavnim sudom

2. Na osnovu člana 22. stav 1. Pravila Ustavnog suda, od Kantonalnog suda, Općinskog suda, te od R.H., učesnika u postupku (u daljnjem tekstu: učesnik u postupku) zatraženo je 2. septembra 2009. godine da dostave odgovore na apelaciju.
3. Kantonalni sud je odgovor na apelaciju dostavio 8. oktobra 2009. godine, a Općinski sud 17. septembra 2009. godine. Učesnik u postupku nije dostavio odgovor na apelaciju.
4. Na osnovu člana 26. stav 2. Pravila Ustavnog suda, odgovor na apelaciju dostavljen je apelantici 20. novembra 2009. godine.

III. Činjenično stanje

5. Činjenice predmeta koje proizlaze iz apelantinih navoda i dokumenata predočenih Ustavnom sudu mogu se sumirati na sljedeći način.
6. Rješenjem Općinskog suda broj RS-42/99 od 4. januara 2005. godine odbijen je apelantcin prijedlog da se ona odredi kao nosilac stanarskog prava na stanu u ulici Behdžeta Mutevelića broj 2A u Sarajevu (u daljnjem tekstu: predmetni stan). Istim rješenjem je R.H., apelantcin bivši muž, određen kao isključivi nosilac stanarskog prava na predmetnom stanu. Također, određeno je da apelantici istovremeno prestaje svojstvo sunosioca stanarskog prava na tom stanu, bez obaveze da joj protivnik, odnosno R.H., osigura nužni smještaj.
7. Utvrdivši da je apelantica u smislu člana 19. stav 2. Zakona o stambenim odnosima stekla svojstvo sunosioca stanarskog prava, a samim tim i pravo da pred sudom raspravlja o svom pravu na stan, te imajući u vidu da učesnici nisu postigli sporazum o tome ko će od njih ostati isključivi nosilac stanarskog prava, sud je donio navedenu odluku. Odlučujući o apelantcinom prijedlogu u smislu člana 20. Zakona o stambenim odnosima («Službeni list SRBiH» br. 14/84, 12/87 i 36/89, te «Službene novine FBiH» br. 11/98 i 19/99), vodeći računa o stambenim potrebama oba razvedena bračna druga, njihove djece i drugih lica koja stanuju s njima, razlozima zbog kojih je brak razveden, kao i o drugim socijalnim prilikama, sud je utvrdio da je apelantcin prijedlog neosnovan.